



**MESAZHI PASKAL I FORTLUMTURISË SË TIJ
MITROPOLITIT TIKON
NGJALLJA E KRISHTIT 2022**

Klerikëve, monastikëve, dhe besimtarëve të Kishës Ortodokse të Amerikës,

Të dashur Fëmijë në Zotin,

KRISHTI U NGJALL! VËRTET U NGJALL!

Ju përshëndes në gëzimin e Ringjalljes në këtë “ditë të zgjedhur dhe të shenjtë, e para e të shtunave, mbreti dhe zoti i ditëve, festa e festive, dita e shenjtë e ditëve të shenjta” (Kanoni i Pashkës, Kënga e 8-të). Pashka e madhe dhe e shenjtë është me të vërtetë mbreti dhe zoti i ditëve. Në këtë ditë të Zoti tonë, Perëndia, dhe Shpëtimtari Ynë Jezus Krishti ndriçon me fitoren e jetës mbi vdekjen, jetë e cila jepet si dhuratë për të gjithë racën njerëzore.



Mes lajmeve të përditshme që krijojnë ndjenja ankthi dhe dëshpërimi, festa e tashme na ofron ndihmën e vetme të vërtetë. Ne e dimë se, në dashurinë e Tij të madhe për njerëzimin, Zoti ynë ka dëbuar përgjithmonë prishmërinë e kotë të vdekjes, e cila është “armiku i fundit” (1 Kor. 15:26). Skllavëria ndaj frikës dhe vdekjes është rrëzuar nga Mbreti i Lavdisë “Zoti, i fortë dhe i fuqishëm, Zoti i fortë në betejë” (Ps 23[4]:8).

Varri i errët dhe i zyrtë tani është mbushur me dritë. Nuk kemi më pse të frikohemi nga vdekja—Zoti ynë e ka mposhtur. Në këtë kohë bota duket sikur është mbuluar nga errësira e konflikteve, dhimbjet, dhe pikëllimi. E megjithatë, edhe tani, me Perëndinë që na ndihmon, ne mund të përballojmë çdo situatë, të mbushur me gëzim të shenjtë dhe fuqinë e Pashkës që vjen nga bindja dhe besimi në Krishtin e Ringjallur.

Në pushtetin e pambarim të Krishtit të Ringjallur, njeriu i fortë është i lidhur përgjithmonë (Mk 3:27); dhe në urtësinë e Perëndisë, e dimë se Ai do ta “bëjë të keqen të mirë me mirësinë e Tij” (Anafora e Shën Vasilit të Madh). Është premtimi i sigurt i Zotit për jetën e re të përjetshme që lejon këtë ditë të mbretërojë gjithë ditët që Perëndia na jep në tokë. Në shkëlqimin e Pashkës, edhe këto ditë të ngrysurave që po kalojmë, janë thjesht në shërbim të kësaj feste të festave.

Në këtë ditë Pashke, lutja ime është që ju të pranoni dritën ngazëlluese të Krishtit të plotë në zemrat tuaja. Në ditët e festave që vijnë, gjithë burrat dhe gratë le të shohin dritën shpirtërore që ndriçon prej jush, le të dëgjojnë shpalljen e ungjillit që “Krishti u ngjall së vdekurish, me vdekje vdekjen shkeli, edhe të varrosurve u fali jetën.”

Qëndrojnë sinqerisht i juaji në Krishtin,

+ Tikhon
Kryepeshkop i Uashingtonit
Metropolitan i Gjithë Amerikës dhe Kanadasë